

Pineqartoq: RE: Assartuussineq pillugu Isumalioqatigiissitaq – Pissusiusinnaasutut takussutissat allaatiginerata tusarniaatiginera

Asasakka Assartuussineq pillugu Isumalioqatigiissitaq allattoqarfialu,

Pissusiusinnaasutut takussutissat allaatigineqarnerannut 21. maj ukioq manna nassiussamut Air Greenland-ip akissutaa matumuuna nassiupparput. Isumalioqatigiissitat suliaannut isummanik tunniussaqaarsinnaanerput aammaarluta qujassutigaarput.

Qupperneq 3-mi immikkoortoq kingulleq qupperneq 4-milu immikkoortoq siulleeq pillugit

Allassimavoq assartuussineq aningaasarsiornikkut namminiilernissaq anguniarlugu pisortanit tapiiffigineqarani ingerlanneqassasoq. Tassunga atatillugu aamma kissaatiginarpoq tapiiffigineqarluni angalanerit (pisortani atorfillit suliaminnut atasumik angalasarneri il.il.) sunniutaasa isumalioqutigineqarnissaat, tamakkua angalanerup aaqqissuussaanerata ilarujussuanut nappassisuummata. Ataatsimoortumik tapiisuteqartoqanngippat pisortat angalatitsisarnerisa ikileriarujussuarnissaat ilimagisariaqarpoq.

Qupperneq 4-mi immikkoortoq kingulleq pillugu

Kangerlussuup 'hub'itut Nuummut nuunneqarsinnaanissaata aalajangiiffiginissaanut Assartuussineq pillugu Isumalioqatigiissitaq tunngavissaaleqinissaa paasilluinnarparput, maluginiarparpulli isumaliutissiissutissap inerneriumaagaatigut tamatumuunarpiaq tamatuma isummerfigineqarnissaa siunertarineqartoq, soorlumi aamma siunissami timmisartuutissanik pisaartorniarluni aningaasaliinissamut tunngavissap ilisimanissaa uagut ingerlatsisuusutut pisariaqartikkippat.

Qaqortulli siunissaa aalajangiiffigineqarsinnaajumaartoq naatsorsuutigineqartoq immikkoortumi tassani nuannaajallannartuuvoq.

Qupperneq 6-mi immikkoortoq 2 pillugu

Uuliamik nassaartoqaarsinnaanerata iluanaarnartorujussuarmik aaqqiinertut naatsorsuunneqarnera ajunngeqaaq. Sulisitsisut peqatigiiffiata uuliasiornikkut aatsitassarsiornikkullu nioqqutissiornerup tungaatigut qanittukut (Nuuk, 26. maj) saqqummersitsinera Kalaallit Nunaanni uuliap siunissaanut erseqqarissumik takutitsinngilaq. Dong'ip nassaarniarlutik misissueqqissarnissamut pilersaarutitik unitsippaat, soorlumi aamma Encanap Kalaallit Nunaat taamaativinnialinnguatsiaraa. Taamaammat periarfissat uuliasiortitsinermik ingerlassallit akornanni Kalaallit Nunaannisulli pingaartinneqartiginngitsut pasinarpoq.

Qupperneq 7-ip aallaqqaataani immikkoortoq 2.2 pillugu

Niras'ip nalunaarusiaani inerniliussorneqartut uteqattaarneqangaatsiarput, pingaartumik pilersinniakkami, saqqummersitsinermi qulaani taaneqartumi saqqummiunneqartut naapertorlugit sulii aalajangiunneqaaqqajanngitsumi suliffissat ataqatigiiaattut eqqarsaatigalugit. Alcoa pilersitsiniarnera uagut isumarput malillugu uuliamik nassaartoqarneratulli pissarsinartigisutut passunneqartariaqarpoq.

Qupperneq 10-mi imm. 2-p pissusissamisoortumik ersersippaa inuussutissarsiutitigut siunissami ineriartornissap tungaatigut taamaassangatitsinerit tunngavigalugit suliaq ingerlasariaqartoq.

Qupperneq 14-mi immikkoortoq 3 Isuanut tunngasoq pillugu

Mittarfinnguamik pisariitsuliamik Twin Otter'imit atorneqarsinnaasumik London Mining'ip Isuani sanasinnaanera takorloorneqarsinnaavoq.

Qupperneq 19 imm. 4pillugu

Aasiaat Disko-Nuussuarmi qillerinissanut atatillugu eqqartorneqarpoq. Attaveqaatilli eqqarsaatigalugit pilersinniagaq taanna Aasiannut, Ilulissanut Siusimiunullu pingaaruteqartussaavoq, taavalu angallannikkut ataqatigiiaat tamaasa pisariaqartitallu uuliasiortitseqatigiiffiit tikiussariumaagaat eqqarsaatigigaanni tamakkua aamma Kangerlussuarmut (mittarfik) Nuummullu (Atlantiku ikaarlugu timmisartunut mittarfik) assorujussuaq sunniuteqartussaapput.

Qupperneq 24 immikkoortoq kingulliup tullia pillugu

Takornariartsisarnep ineriartornissamut periarfissaqarnera isumaqatigaarput, tamannali attaveqaatitigut allannguuterujussuarnik pilersitsisariaqarnermik kingunilimmik annertussuseqassangatinnatigu. Tamanna imatut paasineqassaaq angallannikkut attaveqaatitigut ineriartortitsinerup akunnittarfinni siniffinnik neqeroorutissaqarnerup ineriartornera malittarisariaqaraa. Misilittakkatta takutippaat timmisartuussivigisartakkavut amerlanerit inissanik atunngitsunik peqanngitsut, tassami aasaanera ulapaarfiusoq sivikitsoq tunngavigalugu angissusiligaagamik, allilerinissamulli aningaasaliortornissamut, ukiuunerata sivisuup tikeraartoqarani ingerlanerani naleerutsikkiartuaarneqartariaqartussanut periarfissaqangaarfiunatik.

Qupperneq 36 naqqaniittut 37-imilu qulaaniittut pillugit

Massakkut ineriartorneq inukilliartornerlu, aamma inuiaqatigiit paasissutissatigut pilersorluagaasut periarfissaqarnerulersitsinerat eqqarsaatigalugit isumaqarpugut inukilliartorneq, minnerpaamillu inuit amerlasutsimikkut taamaaginnarnerat naatsorsuutiginnitsoorneqarsinnaanngitsut. Inuit qaammasaqarnerulersimapput (soorlu internettikkut), aamma erseqqissumik anguniagaavoq amerlanerujartuinnartut allamut aallarlutik ilinniassasut (taamaaliornerlu arlalitsigut uteqqinngitsoornermik kinguneqartarpoq). Ukiuni kingullerpaani Kalaallit Nunaanni najugaqartut ikiliartuaartut malugineqarpoq.

Piffissap pissusiusinnaasutut takussutissiiffiusup ingerlanerani naatsorsuutigisariaqarpoq suliffiit amerlasut ilaatigut aalisarnermiit peerukkumaartut, isumamineersumik ingerlasunngortiterinerup atortorisaaarutillu nutaat kingunerannik, taamaammallu inuussutissarsiutit allat pissusiusinnaasutut takussutissani arlalinni tunngavissalerneqartutut ingerlallualinngippata inukilliartornerup ingerlaannarnissaa piviusorsuunngitsutut oqaatigineqarsinnaanani.

Illumut inukilliartornissaa isiginagu iliornerussaaq uuliasiornikkut aatsitassarsiornikkullu nioqqutissiornissap nunap siunissami ineriartornissaanut pingaarutilerujussuussasutut naatsorsuutissagaanni. Taamatut iluat-sittoqanngieriasaassagaluarpasut inuit amerliartulernissaat naatsorsuutigineqarsinnaanngilaq.

Silaannakkut angallassineq ataatsimut isigalugu annikilliartuaarpoq, tamatumunngalu pissutaasinnaasut assigiinngitsorpassuusinnaapput, soorlu aningaasarsiornikkut kinguariartorneq, kisiannili aamma malugisariaqarpoq inukilliartorneq pissutaasinnaammat.

Qupperneq 39 tabel 4.4.2 pillugu

Illoqarfiit nunaqarfiillu agguataarsimanerat eqqortuua, imaluunniit kisitsisit quleriiaat paarlaanneqarsimap-pat?

Qupperneq 43f kapitel 5.3 pillugu

Mittarfiup Narsarsuarmiit Qaqortumut nuunneqarnissaata misissorneqarnera ajunngilaq. Tamatumunngali atatillugu maluginiarpasut 1799m suli sammeneqartoq. Tamatumani Narsarsuup qanittuata inoqanngin-nera Qaqortumut nuunneqaannartussaavoq. Qaqortumi mittarfiliornerup pitsaaqutigissavaa Kujataaniit Ka-ngerlussuup tungaanut angallassineq ingerlalluarnerulissammat taamalu periaatsimi hub&spoke'imi ataqatigiissumik ingerlaneq iluaqutigineqarluni – tamatumani mittarfik 1199m naammappoq, 1799m-ili inger-latsinikkut iluaqutaassagaluarluni soorlu Danmarkimut toqqaannarlugu uterlugulu jet'imik ingerlatilinnik timmisartuussinermik (tapiissutitaqanngitsumik) nassataqassangatinnarani. Qaqortumi mittarfik 1799m Narsarsuarmik nutaamik pilersitsiinnassaaq, angallassassaqaarnikkut avammut attaveqarneq angallatto-

qarnerpaaaffiani taamaallaat qaammammut marluk-sisamariarluni timmisartuussisarnissamut qulakkeer-utissaalluni.

Qupperneq 44 immikkoortoq kingulleq aamma qupperneq 45 immikkoortoq siullesq pillugit

Oqaatsit atorineqartut isigalugit allaanngilaq Kommune Kujallermit qulimiguulinnik timmisartortitsiviusut atorunnaarsinniarneqartut, tamatumani Narsarsuarmut timmisartortitsisarninnaq pineqarunarpoq. S-61 ukiuni aggersuni amerlasuuni atuukkumaarnersoq massakkut oqaatigisinnaanngilarput. Passunneqartarneri pillugit isumaqatigiissutit (massakkut sivitsuisimaneq apeqqutaalluni) 2012 kingornagut atuukkunnaartussaapput, aamma timmiartutoqannguupput taarsertariaqaleruurtut. Taamaattumik ungasissiq isigalugu S-61 atuutiinnassasoq naatsorsutigissagaanni tamanna piviusorsiornerusariaqanngilaq, massakkummi assingusumik Air Greenlandip timmisartortitsisuulluunniit allat tamaani angallassissutigisinnaasaanik taartissaqartinneqanngimmat. Immaqa naleqqunnerussaaq qulimiguullit 9-12-inik issimasoqarsinnaasut (aasakkut 15 tikillugit issiavissaqarsinnaasut) takorlooraanni. Aamma sianigisariaqarpoq qulimiguullit S-61-itut angissusillit eqqunneqartarfissaannik taamaallaat Narsarsuarmi peqarmat, taamaattumik mittarfik taanna atorunnaarsinneqassapput qulimiguulinnut Qaqortumiussagunartoq eqqussisarfiliornissaq aamma eqqarsaatigisariaqarluni. Ullumikkut taamaallaat Bell 212 (qulingiluanik issimasoqarsinnaasooq) inissaqartinneqarpoq. Ilaliussaq 1 (qupperneq 67) timmisartunut eqqussisarfinnik pisariaqartitsinermut tunngasunik imaqarpoq, eqqussisarfilli taanna timmisartunut suluusaliinnarnut atugassanngortinneqarsinnaanngilaq (timmisartortitsisuuusoq apeqqutaalluni), aammali qulimiguulinnik eqqussivigineqarsinnaasuusariaqarluni. Alluitsup Paa nunaqarfiillu qanoq timmisartutigit isumagineqassanersut eqqaaneqanngilaq.

Qupperneq 45 immikkoortut aappaat pillugu

Innersuussutigineqassaaq Qaqortumi 1799m atorlugu timmisartortitsineq ullumikkut Narsarsuakkut timmisartuussinertungajalluunnaq issammatt. Eqqaasitsissutigissavarput angallassineq allanngortinneqarsimammatt aamma Air Greenlandip Narsarsuaq siunissami Københavnimiit taamaallaat juunip qiteqqunneraniit aggustip naaneranut timmisartortitsivigisassammagu, ukiup sinnerani angallassineq Kangerlussuakkoortinneqartassalluni.

Aamma taarusupparput ilaasut Danmarkiliarnerminni Narsarsuakkoortartut utimullu tassuunaquuttartut tassammata Nuummiit ilaasut pingasunngornikkut aallarnissaminnik pisariaqartitsisut. (tassunga atatillugu aamma qupperneq 62 immikkoortoq kingulleq takuuk). Ilaasartut taakkua Kujataani angallannikkut pisariaqartitanit tamarmiusunit peertussaapput.

Qupperneq 45 immikkoortut pingajuat pillugu

Qaqortumi mittarfiup ataavartumik atorineqartarsinnaanissaanik naatsorsukkat saqqummiunneqartut er- numaammernarput, tassami Narsarsuaq ataavartumik atorineqarsinnaanngereermat, aamma angalasussat kinguaattoortut (kategori C) ingerlassorasuarniarlugit timmisartumik tapertaasussamik Europami pisarsiniartarneq unammillernartorujussuummat.

Qupperneq 55 immikkoortoq kingulliup tullia pillugu

Naatsorsuusiordermi billettit akikillissat tunngavigineqarput. Tamatumunnga tunngatillugu eqqaasitsissutiginnarusupparput pissusiusinnaasutut tamaattunik takussutissiornermi nutaamik mittarfiliarluni sanaartortsinermut aningaasaliissutit erniaasa akilersornissaannut naleerutsiternissaannullu ilaasunut akitsuummik timmisartumillu aallartitsinermut akitsuummik qaffattariaqartumik akilersuisussatut ilaasussat ikittuinaat isumalluutissaasarnarat arajutsineqarajuttarmat. Taamaammatt pisortanut (miittarfeqarfinnut) akitsuutit billettit akikinnerusut pissarsinerussutaasinnaanerat annikillissikkumaara ilimanarsinnaavoq. Taamaammatt ILALIUSSAQ 1-imi qupperneq 69-imi mittarfinnut akitsuutit pillugit immikkoortoq eqqumiiginalaarpoq.

Qupperneq 56 immikkoortut sisamaat pillugu

Kalaallit Nunaanni akileraarutit Danmarkimi akileraarutinit annikinnerusut eqqartorneqarpoq. Siunissami pissusiusinnaasutut takussutissat sammineqarmata taava tamanna akileraarutitigut isertitat inuiaqatigiit tamakkerlutik isertitarisartagaannut annerusumik ilaalernissaat nalunaarusiap aallaqqaammut oqaasertaani taaneqartunut naapertuuppa?

Qaqortumi mittarfik ataatsimut isigalugu

Air Greenlandip ersseqqissarusuppaa tusarniaanermullu akissutigisatsinni siullermi inassutigisarput taaq-qikkusullugu. Qularutigingilluinnarparput Kujataa angallannikkut pitsaanerpaamik aaqqiivigineqassasoq Qaqortumi 1199m-imik mittarfiliornikkut, tamatumuuna sap. akunneranut arlaleriarnerulluni timmisartuussisoqartalissammat ullumikkullu anguneqarsinnaasumit sivikinnerusumik angalasoqarsinnaasalissalluni.

Timmisartuussineq pilersaarutaasut malillugit ingerlajunnaartillugu ilaasut nikeriaqqinneq ajulersut unnuiffissaqartinneqarsinnaanissaat soorluuna naatsorsuutigineqarsimanngitsoq. Qaqortoq 1199m-imik imaluunniit 1799m-imik mittarfeqalissappat taanna Kujataanut 'hub'iussammat ilaasut kinguaattoortut unnuiffissaqartinnissaannut pisariaqartunik atortussaqaqtariaqassaaq.

Qupperneq 60 kapitali 5.6 immikkoortoq siulleq pillugu

Assartuussineq pillugu Isumalioqatigissitap inassutigaa Qeqertarsuup Tunuanisulli qulimiguulinnik timmis-artussinermut ukiup ilaanut immikkoortumut isumaqatigiissusiortoqartassasoq. Tassunga atatillugu eqqaamasariaqarpoq, ukiup immikkoortuanut sullissinissamut isumaqatigiissuteqarfiusup avataani suliassanik allanik nassaarsinnaassanngikkaanni qulimiguulinnut umiarsuarnullu aalajangersumik aningaasartuutaasartut ukiumut tamarmut atuuttuusarmata. Suliassaasinnaasut allat tassaasinnaapput suni piffissat pineqartut paarlattuini pisariaqartitsiviusuni suliassaasinnaasut. Ukiup ilaanuinnaq atuutussamik isumaqatigiissutit ukioq naallugu atuuttussanik isumaqatigiissutinit akikinnerusorissagaanni kukkuneruvoq, tassami aningaasartuutit nikerarsinnaasut kisiisa ileqqaarneqarsinnaasarmata.

Qupperneq 63 immikkoortoq siulleq pillugu

Pingaartuuvoq malugissallugu Kujataata iluani angallannerup aaqqissuussaanera sullissinissamik isumaqatigiissutit aqutugalugit Namminersorlutik Oqartussanit aalajangersagaammat. Tamakkunani akigitinneqartut aamma qulimiguullit qassiunissaata pissusissamisuuinnartumut qummut killigisassaata aalajangersarneqartarput, tassami tapiissutit timmisartunik amerlisitsinissamut periarfissaqartitsinngimmata. Mittarfiup nuunneqarsinnaaneranut atatillugu oqallinnermi tapissutinik pisariaqartitsineq tamanna eqqaamajuartariaqarpoq.

Qupperneq 63 kapitali 5.7-ip siornani immikkoortoq kingulleq pillugu

Takornariartitsineq tamakkuninngalu tikisitsivissaqarnerup killeqarnera pillugit oqaaseqaatit qulaaniittut takukkit. Timmisartuussisarnerit akulikilliinnarpata takornariartartut amerlissassut isumaqassalluni navi-anartuuvoq. Attaveqaatitigut allanngortitsinissap inuussutissarsiutikkut tassuuna aamma timmisartuussinnaanerit annertussusiisigut/neqeroorutaasutigut allanngortitsinerit malittarisariaqarpai.

ILALIUSSAQ 2

Timmisartut Twin Otter aamma Dornier 228 immikkut sammineqarput. Malugisariaqarporli timmisartooq minnerujartortillugu ilaasumut issiavissaq akisuneruleriartortarmat, taamaattumillu timmisartuaqqat 20 inorlugit issiavissallit tunngaviginiassallugit inuiaqatigiit ataatsimut isigalugit periaasiussanngimmat piujuartitsinerusog.

ILALIUSSAQ 2 qupperneq 77 immikkoortut sisamaat bullet siulleg

Taaneqarpoq Air Greenland AW 139-inik tallimanik pisinissamik pilersaaruteqartoq. Isumaqarpugut taaneqartoq taanna peerneqartariaqartoq pineqartumut attuumassuteqanngimmat massakkullu pissusiviusunik ersersitsisuunani.

ILALIUSSAQ 2 qupperneq 77, bulletit pingajuanni immikkoortut sisamaat

S-92 S-61-itulli ilaasoqartigisinnaanngilaq, ikinnerusunilli (usit timmiffissallu isorartussusia apeqqutaallutik 19 tikillugit issiavissaqarsinnaalluni)

ILALIUSSAQ 2 qupperneq 77, bulletit sisamaanni immoortut sisamaat

Imaanngilaq EC 225 24 tikillugit issiavissaqarsinnaasoq, aamma killilersuutit massakkut atuuttut pissutigalugit qulimiguulinnik ilaasunik amerlanerpaagunik 19 sinnilinnik kivitsisinnaasunik pisiassaqaarnissaa ilimagisariaqanngilaq. Timmisartulli taamaattut pisiaralugit akisuujupput, taamaammallu Kalaallit Nunaanni siunissaq pineqartillugu qulimiguulliit 12-15-inik issiavissaqarsinnaasut isiginiassallugit piviusorsior-tuunerussaaq.

ATAATSIMUT ISIGINNILLUNI OQAATIGIUMASAT

Siunissami pissusiusinnaasutut takussutissiaq Kujataanut tunngatinneqarnerusoq malunnarpoq, aamma nunap immikkoortuini allani unammiorniagassat aammalu passunneqartariaqassagunaraluartut itin-erusemik passunneqaratik. Tamananna ineriartortitsiviusussatut takussutissiat allaaserineqartut nunalli immikkoortuinut aalajangersunut tunngatinneqanngitsut iluanniittutut isigisariaqarunarpoq.

Inussiarnersumik inuulluaqqusilluta
Air Greenland AS

Christian Keldsen
Executive Assistant / Compliance & CSR Manager
GOHDLGL
PO Box 1012
DK-3900 Nuuk
Greenland
Tel. +299 34 31 10
Cell. +299 55 99 99
ck@airgreenland.gl